

# BONERIANO®

Mi a siña buska mi felisidad limitando mi deseonan na lugá di satisfasé nan.

EDITOR:  
Bonaire Communication Services N.V.

Djaluna 23 òktober 2023 | Preis: \$1.25

## RINCON KU PASTOR NOBO PROMÉ KU FIN DI AÑA

Eksposishon di Rekresaroyo 60+



Djasabra Rekresaroyo 60+ tabatin un eksposishon di loke nan a produsí. Ta trata di pintura, pòpchi, obra di man i diferente otro kos. E idea tabata di e lider di grupo Olva Dortalina. Nan a kuminsá promé ku pintamentu i awor nan a amplia. Riba foto e grupo i otronan embolbí ku e eksposishon.

**xerox™**

**OBERSI  
ELECTRONICS  
BONAIRE**

**HAIR  
BARBERSHOP**

Hanchi lenks pabou di Gas Ekspres

Habrí 5 dia!  
Tel: +599 788-2228 / +5999 529-2228

hair cut  
www.hairbarbershop.com

**CHANGAN AUTO**

**HUNTER**

/dabboussimotors

**Breast Cancer**  
AWARENESS MONTH

**NAPA**

**\$10 FREE SLOT PLAY**

Sign up for your FREE Player's Card and receive \$10 in FREE Slot Play!

Open Monday - Saturday 8pm to 4am | Sunday 7pm to 3am | (599) 717-3504  
diviflamingocasino.com | ATM available

**DIVI FLAMINGO CASINO**

**LIVE  
FM 99**

**POLÍTICA**

Na opinion di Milena Winklaar (MPB):  
"Aktitut di Cyrill Vrolijk ta gòlpi di traishon"

PAG# 4-5

# Promé buki di regalo pa Boneiru durante Siman di Buki

**KRALENDIJK** -- regalo 'geschenkboek' na e Pronto ta bai tin Siman di Buki na e islanan Aruba, Boneiru i Kòrsou. Pa di promé biá Boneiru ta introdusí su promé buki di

regalo 'geschenkboek' na e muchanan. E buki akí ta un regalo pa muchanan di Boneiru en konekshon ku Siman di Buki 2023. Esaki riba

enkargo di Direktorado di Komunitat i Kuido, Direktorado di Edukashon i Bienestar i SKAL.

Apertura di Siman di Buki ta djadumingu 12 di novèmber na Biblioteca Públiko Boneiru. Tema di Siman di Buki e aña akí ta 'Na mi kas'.

E buki di regalo Fakansi den pasado, ta skirbí pa Giovanni Gijsbertha. Despues di a asistí na un tayer básiko di skirbi kuenta na Boneiru, Fakansi den Pasado ta su promé publikashon. E buki ta publiká pa editor Denise de Jongh-Rekwest, via Request Publishing.


E buki ta dushi pa lesa pa e mucha por tende for di grupo 4. E ta bon pa mucha di 9 pa 12 aña mes lesa. E contenido di e kuenta ta interesante. Tambe e muchanan ta siña hopi di kustumber di ántes i kultura di Boneiru.



Resientemente Giovanni Gijsbertha i Denise de Jongh-Rekwest, a hasi entrega di e promé eksemplar di Fakansi den pasado

na Diputado James Kroon, den presensia di gerensia di Direktorado di Komunitat i Kuido i SKAL.

Un pabien ta bai na Giovanni ku su promé publikashon. Pabien na Boneiru pa su promé buki di regalo pa Siman di Buki.



## #RosTaMiKos

### Òktober ta luna di Kanser na Pechu

Bo ta entre 50 i 75 aña di edat i nunca ainda bo a hasi un skrin na pechu? Bo tin pregunta tokante e skrinmentu òf bo ke inskribí? Tuma kontakto ku Skrinen di Poblashon Hulanda karibense.

#### Pa mas informashon bishitá:

Nos página di Facebook [Bevolkingsonderzoek Caribisch Nederland](#) òf yama/Whatsapp +599 781 0476.

**Detektá na tempu pa skapa bo bida!**



OPENBAAR LICHAAM  
BONAIRE



## Vacature

Wees het verschil wat je wilt zien.  
Solliciteer nu!

Projectleider Grazers

Meer informatie?



[www.bonairegov.com/bestuur-organisatie/vacatures](http://www.bonairegov.com/bestuur-organisatie/vacatures)



OPENBAAR LICHAAM  
BONAIRE



## Vacature

Wees het verschil wat je wilt zien.  
Solliciteer nu!

Communicatieadviseur

Meer informatie?



[www.bonairegov.com/bestuur-organisatie/vacatures](http://www.bonairegov.com/bestuur-organisatie/vacatures)

# RINCON KU PASTOR NOBO PROMÉ KU FIN DI AÑA

**KRALENDIJK** – Monseñor Luis Secco, obispu di Willemstad, ta kalkulá i spera ku pa fin di e aña aki parokia di San Luis Beltran na Rincon lo tin un pastor nobo pa remplasá pastor Ivan Dario Perez Gomez, kende siman pasá a tuma despedida di su parokianonan. Obispu Secco sinembargo den un entrevista pa e programa di televishon Aktualidat a keda un tiki vago tokante kiko ta bai pasa ku pastor Ivan.

Mientrastantu tin ketu bai preokupashon i pregunta sin kontesta serka parokianonan na Boneiru, spesialmente barío di Rincon. Ta konosí ku Pader Ivan Dario Perez Gomez a bandoná Rincon i ta deskonosí ken

ta tuma su tarea.

## Silensio

Hopi a spera di tende di e grupo di pader ku tabata na Boneiru siman pasá, ken ta bira pader nobo pa Rincon. Tampoko Obispu a bisa algu di esaki. Pero nada. Silensio. Parokianonan ta sinti ku tin algu no ta kana bon, pasobra hopi ta puntra aki aya, pero niun hende ta bisa algu.

Un parokiano a komentá na BONERIANO: “Nunka sa sosodé ku un pader ta bai for di un misa na Boneiru i no ta mensioná ken ta sigui na e misa. Ta bon pa sea e Obispu, òf un pader, si nan mes no ta informá parokiano, nan pasa e informashon pa un persona ku ta bos di e

Diósis di Willemstad, pa papia ku e pueblo. Keda sin duna informashon, ta duna espasio pa duda i ekspresá insiguridat den stabilitat loke ta sosodé.”

“Dikon no ta bisa kua pader ta sigui, òf tambe si no tin pa sigui ku e tarea. No ta nada inkorekto pa informá. E parokianonan tambe ke sa kiko ta kiko. Nos ta spera di tende algu pa nan ta mas trankil si ta sigui ku misa na Rincon”, e parokiano a bisa.

## Obispu Secco

Durante grabashon di un programa spesial di Aktualidat, ku ta bai den aire mañan na Bonaire.tv, Obispu Luis Secco a bisa ku ta pastor Ivan mes a pidi



*Pastor Ivan a move basta den Rincon. Entre otro el a sòru reintrodusí batimentu di klòk Angel di Señor pa 12'or di mèrdia den su parokia.*

pa un cambio. I enbèrdat despues di un 13 pa 15 aña den mesun parokia ta bira tempu pa cambio di un pastor.

Secco: “Tur hende sa tambe ku pastor Ivan tabata konfrontá difikultat di salú último i mester a permanesé tempu largu na Colombia. Nos a komprondé su situashon i bis’é pa no fòrsa, pero traha segun e por. Semper ta sosodé ku parokianonan ta bira mas i mas eksigente pa loke ta trata nan pastor. Pero e mester tambe su edat ta subi, kansansio ta hunga un ròl. Si un pastor ta sinti no ta apoy’é i anim’é mas manera promé, esaki ta afekt’é.”

Un echo ta, Secco a sigurá, ku obispado no ta bai laga Rincon sin pastor. Ta trahando duru pa logra un remplasante pa pastor Ivan. Semper a manda pastor Rincon. Tin vários pastor kaba ku a duna di konosé ku nan ta dispuesto di yuda, pues bai traha den e parokia di Rincon.


Mientrastantu tin kaba diferente nòmber mensioná komo e siguiente pastor di Rincon. Por ehèmpel pastornan Baak i Carlos Vivas. E último aki a yega traha kaba den parokia. Baak su kara tampoko ta deskonosí na Boneiru. El a traha na parokia Coromoto na Antriol.

## Kontratista lokal hasiendo bon trabou



*Ora kos ta bon, mester gaba tambe. Djasabra 21 di òktober por a nota trabou ta tuma lugá na banko Royal Bank of Canada (RBC). Trabou di entre otro pone klenku nobo tabata den man di un kontratista lokal. Un bia mas ta muestra ku nos mes hendenan ta profeshonalnan ku gran abilidad.*

## Pikòp a drenta mondi



*Reportero di BONERIANO a kaptá imágen di un pikòp ku a drenta den mondi. Esaki a sosodé na Tra'i Montaña.*

## POLÍTICA

Aktitut di Cyrill Vrolijk kondená

## “Pone Boneiru den doló, kaba bent’é den kliko”

**KRALENDIJK** – Milena Winklaar, lider prominente di MPB, ta hopi disgustá pa aktitut di Cyrill Vrolijk, kende siman pasá a bandoná frakshon di e partido aki i djis despues bai un koalishon ku frakshonnan di Demokrat i Daisy Coffie. Den un deklarashon Winklaar ta referí na echo ku Vrolijk a bisa ku si e koalishon ei no realisá, e ta basha koroto abou i bai.

Milena Winklaar: “Apénas dos dia despues ku Cyrill Vrolijk a tumba gobièrnu i ya kaba tin un akuerdo di gobernashon nobo firmá entre DP, M21 i independiente C. Vrolijk. Anto ainda ami no por komprondé e motibu tan drástiko di e de-

sishon di Cyrill di a tumba gobièrnu. Mi a tende su disertashon den e reunion di Konseho Insular i tambe su entrevista den Brunch99. Pa ami e no a duna niun motibu di tantu peso ni tantu urgensia pa a tuma un desishon asina drástiko ku konsekuensia asina grandi mará n’e.”

Aki aya por ta bèrdat Kolegio Ehekutivo tin dos kos pa traha ariba, pero por lo general den tur su motibunanan ku el a duna bo por saka afó ku ta motibunanan hopi personal i emoshonal a pone e mener aki yega na un desishon asina pisá.”

**Grave**

Segun Milena Winklaar,

e kos mas grave ta ku gran parti di tur su motibunanan ku e ta duna ta basá riba malkontentu ku supuestamente e tin ku partido for di 5 aña pasá bin ariba.

“Ken por komprondé e kos aki? E no tin sentido mes! Pasó si di bèrdat bo tabata kana ku asina tantu malkontentu ku e partido, for di 5 aña pasá, anto ta kiko a move bo pa bo a sigui kana ku e partido te ku djamars último ei anto? Asta tribi na bai elekshon lastu ei komo kandidato di un partido ku bo ta asina malkontentu kuné?! No ta kuadra tòg? Ta ken ta bai kampaña, papia bon i defendé un partido ku e tin 5 aña malkontentu kuné?”

Ta kos di hende sin pia sin kabes e kos ei!”

Di akuerdo ku Milena Winklaar, e mes ta testigu kon e mener aki a kampaña fuertemente den barionan, bisando e hendenan kon bon MPB ta, propagandando e stabilitat i union ku MPB ta para p’e, pa ‘al final’ awor, e mes, un persona ku a haña apénas 30 voto riba su nòmber, ta tumba un gobièrnu i krea e mesun instabilitat ku e tabata bisa ku e ta kontra di dje.

**Instabilitat**

Milena Winklaar ta kontinuá: “Mener, ta abo ta e outor intelektual di instabilitat awor.

Pa mayoria di su supuesto malkontentunan ku e tabatin ku partido i Kolegio Ehekutivo, nunca, na niun momentu so, el a opta pa duna esakinan di konosé na su direktiva i su kolegananan di partido promé ku el a yega na e desishon ei.

Por dedusí esaki tambe



klaramente for di e entrevista ku e tabatin ku Live99.”

“Anto ban serio. Promé ku bo yega na un desishon asina pisá di tumba un gobièrnu, bo mester por a lo ménos enfrentá bo partido ku tur bo malkontentunan, bai mesa ku nan, papia ku nan, keha, reklamá, diskutí, pleita, bringa etc.

Anto despues di tur esei, si ainda nan no a duna oido na bo, e ora ei numa bo desishon kisas lo por tabata komprendibel.”

**Opinion di Arthur Sealy**

## “No ta tur kos ta posibel i sigur no tur pareu”

**KRALENDIJK**- Arthur Sealy ta kompartí su opinion pa medio di e siguiente komunikado. Sesenta aña pasá riba 22 di novèmber a tira John F. Kennedy mata. Binti ocho aña pasá a kuminsá ku dia di Antia pero a kai na nada na aña 2007. Ideal di Kennedy: No puntra ki bo pais por hasi p’abo pero kiko abo por hasi pa bo pais i PAR kier a restrukturá Antia di sinku. Ta idealnan ku no a biba na Bonaire i awor por

kosechá un komunidad partí den esnan ku tin i e esnan ku no tin. Awor ku konsehal Vrolijk su motivashon ta konosí ta tempu pa trata na komprondé Kiko ta biba den komunidad relashoná ku maneho di Bonaire. Tin asina kaso ku ta sklama pa akklarashon pero no ta bini solushon pa motibu di arogansia, no solamente den Kolegio Ehekutivo pero tambe den Konseho Insular, den kompanianan anónimo di maneho di Bonaire, direktoradonan, instituto i or-

ganisashonnan komersial i sosial ku a kousa rabia i disgustu i gritu pa algu nobo pero ku no por definí e kos nobo. Dos partido ku nan programa i un independiente ku solamente idea ta yega na akuerdo di koperashon ku ainda mester bira programa di maneho. Un koperashon basá riba sinkuenta punto pero mi ta sita Willem Drees, un di Hulanda su polítikonan di taye ku a bisa: “No ta tur kos ta posibel i sigur no tur pareu”.

**Cyrill i su man drechi**

Nèt despues ku e hendenan, a kaba firmamentu akuerdo di Gobernashon; E Diferensia Hustu i Duradero, Cyrill i su man drechi tabata huntu un momentu. Ambos masha kontentu di e okashon. Awor ta trabou ta bai kuminsá, pa logra deseo di e pueblo. Manera Cyrill a bisa, el a pasa un poko tenshon, pero awor e ta wak dilanti na bienestar di e pueblo. Trabou tin.

# POLÍTICA

Firmamentu akuerdo di Gobernashon

## “E Diferensia Hustu i Duradero”



Na opinion di Milena Winklaar (MPB):

## “Aktitut di Cyrill Vrolijk ta gòlpi di traishon

**KRALENDIJK** – Na opinion di Milena Winklaar di MPB, si analisá e desaroyonan polítiko di siman pasá, kaminda Cyrill Vrolijk a retirá sosten for di koalishon di UPB/MPB, ta opvio ku e tabatin tur kos planeá kaba. E no a trese su malkontentu na diskushon den partido. “Aktitut di Cyrill ta un gòlpi di traishon.”

Milena Winklaar: “El a karga su kos su so, ketu, i

e no a duna kara niun momentu so manera un hòmber pará den su sapatu. Anto pa awe, den 2x 24 ora ya kaba e tabata kla pa firma un akuerdo di gobernashon di 50 punto ku DP i M21. Nos por konkluí ku ta masha dia kaba nan tabatin trahando riba e kos aki. Ke men ta manera el a pisa suela di Boneiru bèk dia 11 di òktober ei, òf asta promé, e tabata kla kaba ku

su desishon, i tur kos tabata planeá kaba for di masha dia.”

“Nos por konkluí tambe e ora ei ku e yamadanan di Daisy i Nina ku el a konta di dje den Brunch99, no tabata simplemente pa puntra pa su salú so. Ta negosashon formal tabata tumando lugá entre e ku miembronan di oposishon durante su periodo na Hulanda. Anto tur esaki sin sikiera opta pa en-



frentá bo partido promé? E kos aki realmente ta un gòlpi di traishon. Un “paso en falso” manera nan ta bisa na spañó. Hopi tristuí!”

Pa Milena Winklaar, segun prinsipionan ku e tin, hamas lo e a tumba un gobièrnu, i pió den e forma ku Cyrill a hasi i pió si ta 30 voto so el a haña, manera e. “Lo mas digno ku e por a hasi ta di publiká su malkontentunan i entregá su asiento na partido. Awor aki e mester por sa bon bon ku el a hinka Boneiru kompletu den un situashon kaminda e no por garantisá ku Boneiru lo bai sali mihó for di esaki.”

“Cyrill Vrolijk a kana 10 aña largu, for di prinsipio,

ku partido MPB. Diferente biá kaba e tabata miembro di Konseho Insular, el a konosé diferente koalishon i e sa bon bon kon kada partido ta funshoná ora nan ta den gobièrnu. Pues é, más ku kualke hende, mester por sa bon bon ta den kiko el a hinka su kurpa i ta den ki insiguridat e ta hinkando pueblo di Boneiru ku su desishon deskabeyá. Anto e kos mas tristuí ta, ku el a bisa tambe ku si kos no bai bon despues di e desishon ku el a tuma, ku e lo subi “para blou” (KLM) i bati bai laga Boneiru.

Kon un digno representante di pueblo por tribina bisa algu asina? Ku ki kurason?

## Nina den Heyer diputado

**KRALENDIJK**- Segun informashon di último ora, Nina den Heyer lo huramentá komo diputado pa e koalishon nobo. Segun fuentenan di BONERIANO

a pidi den Heyer pa asumí e responsabilidat aki i tur kos ta indiká ku e ta aseptá e reto. “Nina ta determiná pa atendé ku kombatimentu di pobresa”, nos fuente a bisa.

Den Heyer a bandonan partido MPB i politika na fin di aña 2022. Konsekuentemente e no a partisipá na e elekshon di mart 2023. Awor tur kos ta musta ku e ta bolbe asumí e reto komo diputado di Asuntunan Sosial i Bienestar.



*Pa evitá drèmpel*

# Outomobilista ta preferá kore riba tera na Rincon

**KRALENDIJK** -- E kaminda dilanti stadion na Rincon ta ménos uza, awor ku tin drèmpel riba dje. Ta trata di e kaya ku ta pasa pa konektá Rincon ku Corobí. Por mira klaramente ku outonan ta kore riba e kaminda di tera ku tin nèt dilanti di stadion, pa evitá di pasa riba e kaminda ku tin kantidat di drèmpel.

Por komprondé ku a pone drèmpel, debí na ponementu di fever ku tabata tuma lugá riba e kaminda. Tin un remarke sí tokante e drèmpelnan, loke ta hopi haltu pa un vehíkulo pasa riba nan.

Pa e motibu aki, nan ta preferá kore riba tera, lanta stòf pa otronan ku ta biba parti pabou di e área.

Esaki no ta korekto i ta spera esnan konserní hasi algu ku e situashon. Kisas por baha e alturanan di drèmpel, loke ta motivá vehíkulo pa kore mas tantu riba e kaminda.

Riba potrèt por mira e marka di tayer riba e kaminda di tera, ku ya ta stabil despues ku hopi outo ta kore riba tera i no asfalt.



## Programanan di Bonaire.tv

TELBO kanal 70  
Flamingo TV kanal 23

**Djaluna 23 òktober 2023**

12.00 Aktualidat:	Cherel Kwidama
13.00 Aki Statia:	Franklin Gibbs
14.00 Herensia:	Juan de Palm
15.00 BAPA:	Elvis i Sur Magda
16.00 Herensia:	Filomena (Felo) Janga 1
17.00 Dokumental:	Desaster Natural
18.30 Herensia:	Edwin Emerenciana
19.30 Puerto Latino:	Luis Zárraga
20.00 Herenisa:	Luciana Brigitha Janga
21.00 Aki Boneiru:	Mauritsz Judal De Kort
22.00 Herensia Aruba:	Jose Francisco Wever (Buchi Panama)
23.00 BAPA:	Danielson Antoin

Tur mèrdia 12'or ta kuminsá un programashon nobo di 4 ora.

E programashon aki ta ripití pa 24:00.



Pa info i komunikado den Extra/BONERIANO  
Redakshon: extrabon@gmail.com

Aviso mail: avisobon@gmail.com



### REUNION KONSEHO INSULAR (BVR)

Djars 24 di òktober 2023 pa 19:00 or ta tuma lugá un reunion èkstra públiko di toma di desishon (besluitvormende raad) di Konseho Insular, den sala di reunion den Passangrahan.

#### Agènda

1. Apertura i partisipashon;
2. Stipulashon di agènda;
3. Oportunitat pa siudadano hiba palabra;
4. Dokumentunan ku a drenta;
5. Stipulashon di agènda;
6. Stipulashon di e relato kòrtiku den forma di konsepto di e reunion di Konseho Insular di 17 di òktober último;
7. Stipulashon akuerdo gubernamental 'E Diferensia Hustu i Duradero';
8. Stipulashon di e promé i e di dos kambio di presupuesto di Entidat Públiko Boneiru 2023;
9. Stipulashon diseño di presupuesto di Entidat Públiko Boneiru 2024;
10. Klousura.

Ta invitá Kolegio Ehekutivo.

Ta publiká e konvokashon akí riba e parti públiko di e sistema di informashon di Konseho Insular ([www.konsehoinsular.com](http://www.konsehoinsular.com)). Te asina leu ku ta aplikabel, e dokumentonan konserní manera kustumber ta na Grefi na disposishon. Ta transmití e reunion akí live riba TV, e página di i Youtube i e website di Konseho Insular.

**R. Oleana**  
Presidente

## Reflekshon di Siman KON REAL DIOS TA DEN BO BIDA?

"I Jesus a kontest'é: "'Stima SEÑOR bo Dios ku henter bo kurason, i ku henter bo alma, i ku henter bo mente.'" Mateo 22:37(BS)

Ta masha normal pa nos bisa: "Sí, mi ta kere den Dios", pero tòg nos ta skohe pa hiba bidanan den piká, derotá, mal hábitonan den nos karakter, i den papiamentu di palabra malu, vengá otro, etc.

Kere den Dios ta importante, sí, pasobra esei ta e promé stap, ma tin un diferensia grandi den kere den Dios i eksperensia Dios den bo bida.

Nos ta eksperensia Dios na momento ku nos tuma e desishon pa aseptá Kristu den nos kurason i determiná den nos kurason pa konosé Dios mas djaserka.

E pregunta klave? Kon mi por konosé Dios mas djaserka? E kontesta ta fásil: Kon bo ta konosé bo mayornan mas djaserka? Kon bo ta konosé bo kasá i yunan mas djaserka? Kon bo a konosé bo mihó amigu mas djaserka? Wèl lo bo kontestá: "dor di pasa hopi tempu huntu ku nan, 'chat' konstantemente, papia, hari i yora huntu ku nan".

Esei ta e kontesta korekto. Ku Dios ta meskos. Tuma tempu ku Dios! Papia ku Dios konstantemente pa medio di orashon, siña konosé Dios lesando Su Palabra. Orashon no ke men pa bisa un 'versje' for di bo kabes. No ta asina bo ta papia ku bo sernan kerí. Orashon ta: papia ku Dios manera un yu ta papia ku su tata. Krea un relashon personal ku Dios pasobra E ta bo Tata Selestial. E ta stima bo i ke solamente loke ta bon pa bo.

"E komunión íntimo di SEÑOR ta ku esnan ku ta tem'E, i E lo hasi nan konosé Su aliansa." Salmo 25:14

Bo ke sa mas? Mail nos na: [grasia.miserikordia@gmail.com](mailto:grasia.miserikordia@gmail.com)  
Miralda Paula-Frans

**Produkshon PGM**



# KATAN DOBLA SIN KIBRA!

## Fedjai no tin "getuigschrift"

Despues di basta dia di ousensia, Katan a disidí di bai bishitá Marina, su komèr. Manera boso ta fèr-wagtu, ora bo tin basta dia sin bai bishitá un konosí, ta komo sifuera e ta pone tur kos riba un teip warda bo kana dreña i primi konòpi di "play".

Katan a topa Marina sintá den sala, ku un bòter di vicks chines bandí dje, i na su pal'i pia un bòter di awa, kual tur e friu a disparsé na rekuerdo di un plas di awa abou riba flur.

Manera Marina a mira Katan, el a sak su man buska e bòtr'i glas kasi pa basha e poko awa bendishoná abou. Pasa man pikié pone na su lepnan, dal un slòk, i bisa Katan ku un stèm hes hes: "Mi lepnan ta seku seku.....mi tin dos dia sin kome. E kos ku Fedjai a hasi ku mi akí, tin mi kurason ta morde. M'a bai ayera na kas di Birina mi komèr, kana dreña den sala, topa e muchanan ta wak pelíkula di porko riba lèptòp. Den pleno sala, den dia kla. Ora m'a puntranan kiko e kosnan aki ta nifiká, nan di ku mi: "Katan, esaki nos ta yam'é bida modèrno!"

Katan a fustan kiko mas e tin di bisa. "M'a mira un hòmbèr koló skur manera un gorila, ku kabèi rònt su kurpa, ta hasiendo algun kos ku un muhé, ku kasi e por kibra e Tante Sidonia su wesu di lomba na dos. Apesar di e posishon fèrfelu ku e muhé tabata aden, e pober ta gosando enormemente. I blo bisa e hòmbèr:

'More, more, more, more don't stòp baby!' Den tur esei, kiko ta 'more' yu? M'a mira algun maniobra, ku nunca di mi bida Fedjai a tripi di papia di dje, te p'e hasié ku mi aki den. I kere mi, mi ta hura bo Katan, pa mi mama defuntu, ku ami no tabata sa mes ku e kosnan aki ta eksistí ora hende paga lus."

Marina a bolbe dal un slòk i sigui papia segun pipita di sodó ta kore na su freña. "Mi pober a kuminsá tembla, kasi pa haña ataka, mi lepnan a bira seku seku i m'a opta pa bai mi kas, pasobra maske kuantu m'a grita nan pa paga e karamba ei, pa nada di mundu nan no kier a pag'é! M'a opta pa ami bai mi kas. Mi pober a yega kas, spantá i papa sodá" Marina a rèk su mannan pa mi wak kon su mannan ta tembla. "Katan bo sa? Di sustu m'a konta Fedjai kiko m'a kaba di mira. I m'a puntr'é dikun nunka e no a laga mi sinti asina mi tambe."

Katan no por a kere su oreanan i a kue un stul kai sinta. "E bestia a drai bisa mi: 'E kosnan ei no por praktiká nan na kas, ta ku muhé di bida so por hasi e kosnan ei!'"

**Katan asombrá a puntra Marina: "Asina e bestia a kontestá bo?"**

Marina, ku a haña un parna den su sufrimentu, a sigui ku su letania. "M'a bira man puntra Fedjai kon e por sa ku ta ku muhé di bida so por praktiká e kosnan ei, ku si e tambe gusta

muhé di bida? 'Ta manera un kos a dreñ'é Katan. Fedjai a kontestá mi: 'Bira muhé di bida bo tambe!' N' ta ko'i chambòn e ta bisa mi? Bo ta kere Fedjai por bisa mi un kontesta fo'i sla asina?"

Marina a traha un kara manera kos ku e ta warda mi kai na su pena, p'e grita yora. M'a djis bis'é ku un tono fuerte: "Anto kiko abo kontest'é?"

"Mi no por a kontest'é nada, pasobra el a saka mi fo'i base!", pober Marina ku un stèm temblá kasi yorando a kontestá.

M'a para un ratu studia Marina, i den mi kashi di piká mi di den mi so bis'é òf no bis'é? M'a mi di ku mi mes mihó mi splik'é e kosnan na un bon papiamentu, ya ami no ta muri kuné riba mi kurason.

Mi di kuné: "Marina tende mi un kos aki! Bo ta basta sokete di laga Fedjai kontestá bo soketada, anto pa awor bo tin dos dia ta kunsumí sin ke kome..... ta belá bo ta? Bo mester a bisa Fedjai ku si bo tabata muhé di bida, lo bo no ta kasa kuné awe! Pasobra muhénan di bida alegre no ta pèrdè masha tempu ku hòmbèrnan bashí sin dilanti sin patras, ku no sa kuantu kanal muhé tin. Si ami ta bo, lo m'a splik'é ku bo sa di su rutina fo'i kuminsamentu te final ora lus paga, pasobra ta e mésun disko 45 e ta pone toka, anto pretendé ku ta longplay. Lo m'a dal'e kuné den su kara, kuantu biaha b'a hunga ròl di a kue bús yega Playa, ya e por a

baha na Mentor fo'i riba bo brùg.

Bo mester a brongos'é bèk, kue un spil, poné ei su dilanti, anto puntr'é ku si e por menshoná kon yama e partinan ei, ki funshon nan tin, i pakiko por usa nan! Ku di galiña krioyo mes bon sa, kòrda galiña pluma birá! Puntra Fedjai pa mi, ku e sa ku e tin uña, punti dede, planti dede, i planti man, i rosea, mi'n ta menshoná boka mes!. Puntra Fedjai ku si el a yega di tende di G spot, beso negro, dògi dògi i Jane?

I si e sa unda nan ta keda i kon ta lokalísá nan? Anto pa koroná obra, bisa Fedjai danki Dios bo tambe no mester a saka lepla di koko pa traha mucha, sino oranan asina aki nan lo nan lo a mira bo pa mula machu!

Segun mi Fedjai a mira kachó muchu den su bida i i kere ta pushi. Anto unabes ku el a drùip pa tur e éksamennan aki, Enbes di sinta na snèk tende pantomina, e bin kas bin praktiká wak ku e ta logra pasa su 'getuigschrift'.

### VANIDADES B.V.

ta buska

### - 1 schoonheidsspecialist

-mester tin diploma i ku eksperensia

**Pa mas inf. tel. 717-5423**

### PENSAMENTU DI SIMAN

**Efesionan 6: 14-17 ta bisa.....**

Para firme anto, ku boso hep fahá ku bèrdat, i ku e korasa di hustisia bistí, i ku boso pianan bistí ku e preparashon di e evangelio di pas; i riba tur kos tuma e eskudo di fe, ku kual boso lo por paga tur e flechanan sendí di e malbado. I tuma e hèlm di salbashon, i e spada di e Spiritu, kual ta e Palabra di Dios.

**E teksto aki ta basta profundo. Kiko e teksto ta bisa bo?**

Ora bo lesa e teksto, bo ta ripará ku tur loke Pablo ta menshoná tokante di e korasa di Dios- e faha di bèrdat, korasa di hustisia, eskudo di fe.....ets. ets..... tur ta protekshon na e parti ku ta dilanti di bo. No tin nada ku ta protehá bo na e parti patras, bo lomba.

Esei ke men ku e korasa di Dios ta yuda bo ora bo ta frente a frente ku bo lucha. Ta masha importante pa den e lucha di bo bida, bo para firme òf bai dilanti. No dreña pániko ..... no kore bai, pasobra di e manera ei bo lomba no ta kubrí. Na e momento ei e viktoría ta mas serka ku bo ta kere.

**Para firme rumannan. Bon siman 23 òktober.**

# DEN PASO DI BÒI

E rúbrika aki no ta kos di tur dia den BONERIANO. Ta ora mi tin tempu, gana i tópiko pa skirbi ariba e ta sali. E tres elementonan aki ta hunga un ròl den salimentu di e rúbrika aki. E ta mas tantu un kos pa tene mi okupá, pa no lubidá e arte di skirbimentu. Tene tambe e dedenan fleksibel. Tene e tinu bei, purba pa no kai den rípitishon.

Bo a aportá na e isla. Harry Croes a fayesé promé, mas despues José Wever, álias Buchi Panamá.

\*\*\*

Ivan Wilson a graba Buchi mi ta kalkulá ocho

òf mas aña pasá. E grabashon a tuma lugá na Stadion Guillermo Trinidad. E persona ku a regla e entrevista aki, en todo kaso pa mi bini den kontakto ku Buchi Panamá, tabata Frenk Goeloe, ku tambe ta-

bata den Herensia den pasado. Frenk tambe a fayesé.

\*\*\*

Buchi tabata un persona fasinante. Kon por ehèmpel e tabata atendé ku su 'muchanan' den treinen di futbòl. Nos a graba esei tambe. E dianan aki Bonaire.tv lo ritipí e programa Herensia ku Buchi Panamá. Un programa interesante.

\*\*\*

Grabashon di Harry Croes, un baluarte riba tereno kultural i deportivo, a tuma lugá aña pasá den novèmber. Kamarógrafonan di Biblioteca Nacional Aruba (BNA), Solognier i Koolman, a hasi e grabashon. Nos a graba dos programa ku Harry Croes, papiando di su infansia, hubentut i karera.

\*\*\*



Jose Wever – Buchi Panamá



Harry Croes

Harry tabata un pilá den selebrashon di dande, miéntras ku den e deporte di bòkseo tambe el a laga su stèmpel atras. Tambe Harry Croes a papia di periodismo. El a traha pa e korant DIARIO. Nos a pasa tres pa kuater ora kas di Harry Croes. Su kasá a kushiná pa nos a keda kome. Nos a haña un trato úniko. Tabata manera un bishita di despedida. Algu tabata bisami ku nos lo no topa mas. I asina a sosodé.

\*\*\*

Koperashon entre BNA


i FuHiKuBo ta hasi e programanan aki posibel. Añanan pasá nos a firma un akuerdo di koperashon pa nan filma pa nos. Ta algu ku ta kumbiní Aruba, pasobra banda di entrevistá bonerianonan na Aruba, nos ta entrevistá rubiano mes tambe. I ta basta hende nos a entrevistá kaba. Tambe hendenan konosí, manera Padu Lampe, Bill Tromp, Percey Jeandor, Atan Lee, Digna Laclé, Maybeline Arends, Dufi Kock, Harold Malmberg i hopi mas.

\*\*\*

## MONCHI & TONCHI

Tonchi, e shon desente a bolbe tuma e batuta.

Awèl sí, 'heftig', pero 'deftig'!



### KOLOFÓN

Editor: Bonaire Communication Services N.V.  
Kaya Irlanda 12,  
Tel. 717-8482

Redakshon: [extrabon@gmail.com](mailto:extrabon@gmail.com)  
aviso: [avisobon@gmail.com](mailto:avisobon@gmail.com)  
Wèpsait: [www.extraboneiru.com](http://www.extraboneiru.com)  
Facebook: Extra Boneiru

Direktor  
Shirley Martis  
785-3824  
796-3824

Partner na Aruba  
Awe Mainta  
Partner na Kòrsou  
Extra  
Partner na Boneiru  
Live99

Redakshon  
Papi Antoin  
Nathaly  
Evertsz-Ipcedencia  
Velli Gijsbertha  
Edson Pietersz  
Ibi Piar (deporte)

Layout  
Maya Beaumont

Konsehero:  
Bòi Antoin  
786-6818

Aviso  
[avisobon@gmail.com](mailto:avisobon@gmail.com)



# Eksposishon di Rekresaroyo 60+

**KRALENDIJK** -- Un proyekto di Rekresaroyo 60+ i djasabra 21 di òktober, nan tabatin un eksposishon di loke nan a produsí. Ta trata di pintura, pòpchi, obra di man i diferente kosnan traha di kosnan resiklá. E idea tabata di e lider di

grupo Olva Dortalina. Nan a kuminsá promé ku pintamentu i awor nan a amplia. E idea no ta pa bende, apesar ku tabatin hopi pregunta, deseo di mirónes, pa kumpra loke nan a haña masha bunita i kreativo.



# Ocho aña grupo Caquetias Bonaire

**KRALENDIJK**— Grupo Caquetias Bonaire Skout, a selebrá ocho aña di eksistensia. E grupo ta enkabesá pa Henry Nicolaas, ku su miembronan. Nan a reuní djasabra 21 di òktober, pa nan a deliberá riba algun punto i selebrá e okashon di ocho aña di eksistensia.

Nan mensahe na komu-

nidat ta, pa mayornan pasa i inskribí nan yu, hòmer i muhé, entre seis aña pa ariba. Nan ta siña hopi, entre otro disciplina ku ta hopi importante pa nan futuro. Riba potrèt por mira e kabesante i e miembronan di Grupo Caquetias Bonaire Skout i pader Marc Hooijschuur, ku a pasa un momentu serka nan.



**èxtra**  
...number 1

[www.extraboneiru.com](http://www.extraboneiru.com)

## Nobena a kuminsá na kapia di Dr. Jose Gregorio

*E siman aki a kuminsá ku nobena na 18 di òktober i ta finalisá dia 26 di òktober. Riba e dia aki ta bai tin un selebrashon grandi na e e kapia di Dr. Jose Gregorio Hernandez na Antriol Pariba.*

*Hopi deboto ta presente e dianan aki, na e kapia mensioná pa resa. Ku hopi esfuerso a restrukturá e área hasié bunita, pa tur ku ta bishita e lugá pa orashon.*



# Kareda di pia Regata 2023

**KRALENDIJK**—Durante dian di Regata Comishon Careda Boneiru(COMCABON), a organisá e tradishonal kareda di pia (Regattaloop).

E kareda tabata bon bishitá na tantu koredó i simpatisante nan, esaki ta duna e koredó nan ánimo pa sigui.

E kareda aki a konta ku partisipashon di adulto ku a kore e distansia di 5KM i tabatin mucha ku a kore e distansia di 2KM.

E start tabata na Stadion di Playa i e Final na Karels Beach Bar.

E koredónan mester a presentá 16:45 na e sitio di stashoná vehíku dilanti di stadion.

Pa 17:30 e kareda a ranka sali

i pa 17:36, ya e promé koredó a yega Karels Beach Bar. Ta trata di e hóben Domingo Perez, ku a kore 2KM.

COMCABON, a partisipá tambe mesora e siguiente aktividat ku ta tuma lugá 12/11/2023, e kareda di Sùit ku e distansia di 7.5 KM. Na su debido tempu COMCABON ta pone mas informashon riba nos página di Facebook.

COMCABON ta gradisí spònsernan, ku a hasi e aktividat posibel; Karels Beach Bar, Youre Fit Bonaire, Delta Security, Hart Stichting Bonaire i tambe CCOMCABON ta gradisí Ramsley Krips di Breezy Fm i Kuerpo Polisial Karibe Hulandes, pa nan aporte.

### Resultado nan;

Overall damas	
Josje Peters	20.26
Damas	
13-15 Aña	
Vyenne Winklaar	35.11
20-29 Aña	
Lotte Rothweiler	22.42
Esmee Vonk	25.35
30-39 Aña	
Josje Peters	20.26
Linda Eikenaar	30.18
40-49 Aña	
Antje Günther	25.37
Melinda Labega	39.22
50+	
Inge Bergen	20.58
Margo Weerman	25.21
Kabayero	
2 km overall	Domingo Perez
5.14	
8-10 Aña	
Kenny Abrahamsz	5.37
Richendric Semper	5.57
11-12 Aña	
Domingo Perez	5.14
Ricard Thielman	5.16
Overall 5 km Kabayero	Julian Baker
19.13	
13-15 Aña	
Esteban Medina	20.21
16-19 Aña	
Manuel de Leon	21.14
20-29 Aña	
Julian Baker	19.13
Regen Pineda	35.06
30-39 Aña	
Daniel Gedefrooy	22.35
Arjan Prijs	29.12
40-49 Aña	
Sander Hendriks	20.30
Xavier Platteel	22.19
50-59 Aña	
Kenneth Abrahamsz	24.05
60+	
Fons de Bie	23.32
Rutsel Sint Jago	29.29



5 Aña eksitoso di IKC

# Proyekto di èks diputado Nina Francees-Den Heyer

**KRALENDIJK**—Si- IKC (Integraal Kind Cen- man pasá, tabata siman di trum). Esaki ta un konsepto



ku 5 aña pasá, diputado Nina den Heyer, a introdusí. IKC ta un sentro kaminda Skol, Sentro pre-eskolar i akohida despues di skol, ta tuma lugá bou di un dak, ku meta pa ofresé un liña di desaroyo kontinu, unda profeshonalnan por komplementá otro, traha efisiente huntu i ekonomisá.

E aña aki ta 5 aña, ku IKC Rincon, ta traha uzando e nòmber aki. Hopi hende no sa kiko e ta enserá. Pa e motibu, tabatin un siman di IKC ta sirbi unda por promové e sentro i laga e pueblo sera konosí ku nan i nan desaroyonan. IKC Rincon a hasi esaki den e siman di 16 pa 20 di òktober.

Tabatin diferente aktividat pa mayor, alumno i trahadó. Pa promé biaha na

Boneiru, tabatin un enkuentro ku partners i komersiante na skol, pa laga nan konosé ku e sentro i purba stimulá un partisipashon entre skol i komunitat. Tica Koeks, kabesante di e proyekto na IKC, a papia durante e enkuentro, splikando kon e skol ta funshoná, di chikitu pa grandi. Tres deportamentu bou di 1 dak.

Tambe a papia di e distansia di te Rincon i a splika ku esei no ta leu, sigur no pa kompará e distansia ku nos islanan ruman.

Robert Croes, komo representante di Rocargo, un di e invitadonan presente, a papia na e okashon. El a splika kon e i su señora, a yega na e idea pa hiba nan yu skol na Rincon, mién-

tras nan ta biba na playa. Nan a yega na e desishon, pa laga e muchanan bai skol na Rincon.

“E skol ta bon, un ambiente trankil i nos ta sinti konfortabel pa e muchanan. E muchanan ya a sosialisá ku e skol i ta biba ku e kultura di Rincon.

Ami i mi famia ta apresiá e trabou di e skol. Tin hende ta puntra mi, te Rincon e muchanan ta bai skol? Nos ta bisa nan, sigur ku si,” Robert a bisa.

A mensioná tambe ku e famia ta kontribuí na e skol i no ta konsider’é komo spònser.

Tabata un siman eksitoso i IKC Rincon, ta gradisí tur esnan ku a partisipá. Riba potrèt, durante e enkuentro, ku e partnernan.

**Closer**  
to you

# Time Deposit

Invest a fixed amount for a fixed period.

Scan Me

- Attractive Interest Rates**
- Fixed Interest Rate until Maturity**
- Higher Return vs. Regular Savings Account**

You will be surprised **how quickly it adds up!**

[www.orcobank.com](http://www.orcobank.com)

**ORCO BANK**  
Your Personal Banker

## Tayer ‘Kos di boka dushi’

*Djasabra último a tuma lugá e tayer ‘Kos di boka dushi’ organisá pa Skal. Tabatin gran interes pa e tayer aki. E potrènan ta duna un impreshon.*

The most complete payroll and HR software in the Caribbean!

## Payroll Pro

HRM

[www.payrollprohrm.com](http://www.payrollprohrm.com)

Download the mobile app!

# DI BINTINUEBE DJADUMINGU SIKLO A

Promé Lektura : Isaias 45, 1. 4-6  
 Salmo : Salmo 96, 1. 3-4. 9. 10a-10c  
 Di dos Lektura : Tesalónika 1, 1-5b  
 Evangelio : Mateo 22, 15-21

Un tempu tabatin un rei mashá kerí pa tur su sirbidónan, pero e tabata malu i tabatin mester di un transplante di kurason. Tur hende a bini huntu dilanti e palasio i nan tabata grita: O rei, tuma nos kurason!  
 E rei a emoshoná i a keda ketu. Riba un bon dia el a pidi silensio i a bisa tur e hendenan ku a reuní einan: Mi ta bai tira un pluma di para i e persona riba kua e pluma para,



## 10 versíkulo bíbliko pa meditá ora nos lanta mainta

Isabelle Cousturié

Bale la pena inkluso memorisá nan pa evocarlos con frekuensia

### Pa kada dia, ta basta su afan

Pues, no preokupá pa e dia di mañan, pasobra e dia di mañan ta preokupá pa su mes problemanan. Kada dia tin sufisiente problema di su mes...Mt 6,34

### Dianan malu ta bini nan so

Señor ta serka! No preokupá pa nada, sino den tur sirkunstansia presentá boso petishonnan na Dios den orashon i semper ku gradisimentu. Flp 4, 5-6

Konfia den SEÑOR ku henter bo kurason i no sea tèrko. Pro 3,5

### Dios ta stima nos i ta kuida nos

No tene miedu, pasobra Mi ta ku bo, no wak asina span-tá, pasobra Ami ta bo Dios.

Mi ta duna bo forsa, yuda bo, sostené bo ku mi man viktوريوسo. Is 41, 10

*T'Ami so konosé e plannan ku Mi tin pa boso; Mi ta sigurá boso ku Mi ke boso felisidat, no boso desgrasia; Mi ta primintí boso un futuro yen di speransa.* Jr 29, 11

I e pas di Dios ku niun hende no por komprondé, lo warda boso kurason i mente den union ku Kristu-Hesus..Flp 4, 7

### Laga nos kultivá pensamentunan di serenidat i konfiansa

Konfia den SEÑOR, hasi bon, habitá tera i keda fiel. Buska bo goso den SEÑOR i l'E duna bo tur loke bo kurason por deseá. Pone bo bida den man di SEÑOR, konfia den dje: lo E aktua. Sal 37, 3-5

### No laga nos limitá nos mes pa e mundu ku ta pasa

I no laga e manera di pensa di e mundu akí forma boso, al kontrario, laga Dios transformá boso i duna boso un manera nobo di pensa. E ora ei boso lo konstatá kiko E ke di boso, esta loke ta bon, agradabel i perfekto..Rm 12, 2

### Un promesa di Dios...

Manera un tata ta tierno pa su yunan, SEÑOR ta tierno pa esnan ku respet'É.

E sa di ki material nos t'engendrú, E n' ta lubidá ku nos ta stòf. Sal 103, 13-14

### ...i un promesa pa Dios

SEÑOR, mainta Bo ta tende mi bos; pareu di dia habri mi ta presentá Bo mi kaso i mi ta warda bo kontesta. Bo n' ta un Dios ku gusta nada malu, Bo n' ke maldat den bo presensia. Sal 5, 3-4

lo ofresémi su kurason.

El a tira e pluma i esaki a bòltu djaki p'aya i tur hende tabata grita: O rei, tuma nos kurason, na mesun tempu nan tabata supla e pluma p'asina e no kai riba nan.

Konfesá fe ta fásil, biba fe i riska bida pa Dios ta e heroísmo kristian.

Un historia hudiu ta kontá, ku hopi humor, ku Dios no a bisti Adam i Eva pasobra un-abes bistí nan lo a pidi saku i un-abes ku nan tabatin saku nan lo a pidi plaka pa yena esaki.

Amor pa plaka lo ta nos úniko pashon i lealtat?

“Abo ta siña e berdadero kaminda pa Dios”, alabansa fingi i hipókrita di enemigunan di Hesus kual nan úniko intension ta di pone na prueba su fidelidat i su patriotismo.

Hesus, Bo ta pro-Dios òf pro-César?

Laga nos rekordá ku e mesun enemigunan akí di Hesus a bisa Pilato promé ku e krusifikashon: “Si bo lag' é bai, bo no ta amigu di Cesar.

Reino di Kristu ta un kontra poder? E ta inkompatibel ku e reinonan di e mundu akí?

Cesar, esfera públiko, siudanía temporal, mundu di polítika i di plaka, di aki bou, di e hopi luchanan i ambishonnan di tur dia.

Dios, esfera di loke ta privá, siudanía religioso, bida spiritual, kada dia mas marginal i skondí. Nan ta irekonsiliabel?

E tempu ku nos ta biba ta tempunan di Cesar. E poder polítiko i temporal ku su hopi tenglanan i su gran poder ta laba nos selebro i ke pa nos tur ta igual, uniformá pa su propaganda engañoso? E ta e bestia ku ta sali for di tera segun e buki di Apokalipsis ku su

marka ta nesario pa kumpra i bende, pa gosa i ta felis, pa triunfá, pa ser humano i siudadano den forma kompletu.

Pa esnan ku a bira lomba pa Dios, esnan ku no ta akudí na e komementu di kasamentu di e Lamchi, únikamente ta keda e Cesarnan di tera, únikamente fiel na tera, únikamente ta alimentá nan mes ku fruta di tera. Nan tin únikamente un siudanía.

I nos, esnan ku ta den iglesia?

Nos ta biba bou di Cesar pero tambe nos ke biba bou di e poder, e amor di Dios.

Nos ta paga belasting na Cesar, nos ta usa su plaka, nos ta obedesé su leinan, nos ta hasi uso di su servisionan i nos ta bisti manera e otro siudananon.

Nos, semehante den tur kos di sobrá, mester di algu mas di bida i di spiritu.

No ta basta pa nos ta siudananon di tera, nos ke ta siudananon di shelu i sirbidónan, yuna kerí di Dios Tata. Nos tin siudanía dóbhel.

Tin pais ku ta permití su siudananon di tin un siudanía dóbhel i pa nan tin dos pasport, pero únikamente nan ta paga belasting den e pais kaminda nan ta biba. E otro Cesar ta únikamente pa turismo i biahenan sentimental.

Nos ta siudananon ku siudanía dóbhel i nos ta paga belasting na Cesar di tera i na e Cesar di shelu. Pero algun

kristian ta puntra: Kiko ami debe Dios?

Pa esakinan siudanía kristian ta puro turismo òf bishitanan sentimental na iglesia, na e reunion eukaristikó, na binimentu huntu di pueblo, na entiero di un konosí...

Dios no mester di nos plaka. E florin, e euro i dòler no ta karga su imágen, ta nos ta esnan ku tin su imáhen imprimí. A krea nos segun su imáhen i semehansa.

Kiko nos debe Dios? Tur kos pasobra tur kos pa e kreyente ta grasia, don di Dios.

Nos deb' é nos tempu, nos deseo i empeño den hasi su boluntat, nos debé nos sirbishi na e rumannan, nos amor na tur kos trahá segun imágen di Dios, nos deb' é nos trabou pa hasi di tera un lugá mas habitabel.

Dios ta biba su deskanso sabátiko i ke pa nos rekrea i salba e planeta di haraganería insasiabel di hende.

Sí, hopi biaha, kada un di nos ta nos propio Cesar. Nos ta liber di duna Cesar loke ta di Cesar i na Dios loke ta di Dios, pero den ehersisio di nos libertat nos ta pensa únikamente riba nos mes i nos ta keda ku tur kos.

Nos ta manera e mucha kende su tata tabata dun' é dos florin tur djadumingu, un pa tira na skalchi di Misa i un pa su kos dushi.

Un djadumingu e tabata ta kana bai misa i un florin a kai for di dje den roi i hisando kara mira na shelu el a sklama: Mi Dios, awe Bo a keda sin esun di Bo.

Skibí pa: Rutzen Lucas



notisiakatoliko@gmail.com

**HULANDA**

# Eksploshon den kas di fakansi tabata aksidente

**GELDERLAND** – Un aksidente ku un stof di gas ta probablemente e orígen di un eksploshon den un kas di fakansi na Voorthuizen den Gelderland. Esaki e doño di e kampamentu a bisa Omroep Gelderland. Dos persona a resultá heridá.

E kas na e kampamentu De Heidekamp djaweps anochi a keda kompletamente destruí. Tantu e bandanan komo e dak a bini abou.

Na e momentu di e

eksploshon, segun bisinanan, tabatin dos hende i un kachó den e kasita. Ta trata di un mama i su yu muhé. A hiba nan hospital. E kachó ta pèrdí.

Brantwer djaweps anochi a sera e suministro di gas na e kampamentu. Jan Bos, doño di e parke di fakansi ta yama e eksploshon fuerte. “Un zonido asina nunca mi a eksperensia. E bishitantenan a spanta enorme. Sigur e hendenan den e kasita pegá. Nan a eksperensia e eksploshon di

aserka.”

Brantwer no ta ekskluí

ku enbèdat algu a bai robes ku e stof. Tabata difísil pa

na e sitio pa indiká un orígen, un bosero a splika.



*Pa atendé ku kontrabanda di droga*

## Hulanda ta sera tratado di Duana ku Ecuador

**HULANDA** – Hulanda i Ecuador a sera un tratado di Duana pa atendé mihó ku kontrabanda di droga.

Sekretario di Estado, de Vries di Duana, a firma e tratado den e kapital di Ecuador, Quito. E tratado ta drenta na vigor momentu ku e ta aprobá pa Parlamento Hulandes di Ekuatoriano.

Desde Sur Amérika ketu bai mas droga ta yega Hu-

landa, Duana Hulanda ta konstatá. Pa esaki Ecuador ta prinsipalmente un pais di transporte pa kokaina for di otro paisnan.

“Na Hulanda e konsekuensianan di e krimen akí ta evidente bisto,” de Vries ta bisa. “Na Ecuador bo ta mira esaki ainda den grado grandi.

A mata polis i resientemente a mata un kandidato pa presidente.”

Dor di e tratado, serviso di Duana di Hulanda i Ecuador por interkambiá mas informashon. Ku esaki nan por determiná mas mihó kua kòntainer mester kontrolá, de Vries a bisa.

Anteriormente Hulanda a sera tratado di Duana ku Costa Rica i Panama. “Nos ta mira ku e ta funshoná bon,” de Vries a bisa. “Nos por saka e kònteinernan mihó den kua tin porkeria.”



## Kastigu di prizòn i apsolushon pa robo mionario na Schiphol

**HAARLEM** – Korte na Haarlem a sentensia kwater sospechoso na kastigu di prizòn di 16 te 19 luna, pa un robo mionario riba e terenonan di empresa na Schiphol na 2019. Dos otro sospechoso a haña apsolushon.

Durante e robo na yüni a hòrta mas di 2,3 mion euro na elektrònika. Ta trata di kantidat di palèt ku entre otro telefòn, drone i iluminashon di kurá, ku tabata riba e tereno di un empresa di transporte na e aeropuerto.

Durante anochi a karga e produktonan den dos trùk di karga ku a kore yega riba e tereno. For di

investigashon a sali na kla ku dos trahadó di e empresa di transporte ya un dia anterior a pone e botin kla. Lunanan despues a haña un parti di e botin durante un inspeksion den un depósito riba un tereno di empresa na Beverwijk.

Korte ta papia di un ladronisia kuidadosamente organisá. Asina un sospechoso a lanta un empresa, pa asina por a kumpra vehíkulonnan ku a usa pa e robo.

E kastigunan ta hopi mas abou ku e demanda di Ministerio Públiko, ku a eksigí kastigunan di prizòn di 22 te 57 luna kontra e sospechosonan.



**STATIA/SABA/ST. MAARTEN**

# Marinirnan ta sostené ku orkan Tammy

**ST. MAARTEN** -- Outoridatnan di Sint Maarten a hasi un petishon na Defensa pa sostené nan ku Orkan Tammy. Defensa a duna oido na esaki i a pone trahadónan i rekursionan disponibel.

Sint Maarten mes ta tuma e iniciativa rondó di kordinashon i gestion di tareanan i Defensa ta sostené kaminda ta nesario ku trahadó i rekursionan. Tareanan ku ta keda ehikutá pa Marina ta entre otro,

duna sosten ku vigilansha na prison, kore patruya rònt e isla, i kaminda ta nesario, vigilansha di órden públiko. Mardugá di ayera, te ainda ku eksepshon di algun insidente chikitu, tal manera un aksidente di outo, a transkurí trankil. Banda di e rekursionan di defensa ku ya kaba a keda desplegá, esaki si ta nesario lo wòrdu ampliá. Sosten na outoridatnan lokal ta un di e tres tareanan primordial di Defensa. Defensa ta sentra su mes riba yudansa inmediato, (di emergensia) durante i despues di paso di un orkan.



*Despues di búskeda masivo*

## A haña hòMBER pèrdí

**ORANJESTAD (EUX)** – Un operashon di búskeda pa un hòMBER pèrdí, a terminá djaweps momentu ku e tim di reskate a haña e hòMBER den e kráter di Quill, e volkan no aktivo di 601 di altura, ku ta e segundo seru mas grandi na Hulanda.

Apesar ku e operashon a duna bon resultado, e reskatantenan a keda ataká pa abeha.

Desde djárason e hòMBER tabata pèrdí momentu ku e i su kasá, a subi e seru.

Servisionan di emergensia, ku aporte di Rohan de Graf i un grupo grandi di boluntario, djárason anochi a kuminsá ku e búskeda, despues di risibí informashon ku e pareha kende ta bishitantando e isla, ta pèrdí.

A lokalísá e muhé seif i sin leshon djárason anochi mitar di diesdos, pero el a avisá e tim di reskate ku e no por a drenta den kontakto ku su kasá.

Djaweps mainta a lansa un operashon grandi, inkluso Polis, Brantwer, Queen

Beatrix Medical Centre, Satia rapid response team, Statia Sea Rescue Foundation, GTI fire and rescue crew, STENAPA, Celbees, empleadonan públiko, pa asina trata na lokalísá e hòMBER.

Mas despues a haña e hòMBER den un situashon difisil i a his'é kuidadosamente pa e parti ariba momentu ku abeha a ataká e tim. Diferente miembro di e tim di reskate a haña piká di abeha i mester a haña atenshon médiko.



## Nos mester ta orguyoso di nos mes

**THE BOTTOM** – “Nos mester ta orguyoso di nos mes. Aki ta nos promé bombero lokal femenino, Joy-ann Robinson, risibiendo su di dos strepi,” Dave Levenstone,

ta skirbi riba su página di Facebook. Na nòmber di henter e famia Levenstone, Dave ta felisitá Joy-ann, su yu Jace i su mayornan, pa su logro i trabou duru durante e último dos aña.



Na Renaissance Wind Creek Curacao Resort

# Empleadonan ku a sobresalí den terser kwartal

**WILLEMSTAD** -- Resientemente Renaissance Wind Creek Curaçao Resort a rekonosé empleadonan ku a sobresalí den e terser kwartal di 2023, esaki durante e selebrashon di

'Best of the Best'.

Tur nominado a reuní den Nautilus restaurant di Renaissance Hotèl pa gèrensia anunsiá e ganadonan. Despues a sigui un momentu di selebrashon.

Wind Creek Hospitality ta kere den rekonosé servisio ekselente i trabou den ekipo. Angelo Martes, direktor di rekursu humano, a amplia riba e tema 'Success without errors is

an illusion' i a enfatisá ku rekonosimentu ta sentral na Renaissance Wind Creek Curaçao Resort.

"Mi ta felisítá tur kolega ku a sobresalí durante e di tres kwartal; ku un miembro di ekipo a nominá ta pa motibu ku el a duna un servisio ekselente. Tambe ta bunita pa mira e trayectoria di kada nominado den nos empresa. Desaroyo i

oportunidat pa kresementu ta sentral, hasiendo uso máksimo di e potensial di kada miembro di nos tim. Hinter e tim a hasi un tremendo trabou den e kwartal aki tambe. E sentido di ta pertenesé i ta importante pa tantu nos huéspedes komo miembronan di tim, di akuerdo ku nos propóstito, ta nos prioridat tur dia," segun Martes.



American Airlines ta mira potensial den Kòrsou

## Oumento den frekuensia di buelo

**WILLEMSTAD** -- Ofisina di Turismo di Kòrsou, CTB, den kolaborashon ku su partnernan Curaçao Airport Partners (CAP), Curaçao Airport Holding (CAH) i Curaçao Hospitality & Tourism Association (CHATA), ta kontentu di por anunsiá ku American Airlines a tuma e desishon pa sigui ofresé buelonan adishonal for di Charlotte durante e lunanan aprel i mei otro aña.

E servisio aéreo adishonal ta bini komo resultado di e demanda kresiente for di Estádus Unídos, kual ta habri mas oportunidat eksitante pa turismo i ta estrechá e laso entre e dos destinashonnan den 2024.

Mas tempran den aña, ya kaba American Airlines a revelá su plannan pa oumentá e frekuensia di biahe for di Charlotte di un biá pa siman, na buelonan diario e temporada di wenter benidero, entrante luna di desèmber 2023 te ku fin di mart 2024.

Durante un reunion e siman akí ku American Airlines, e kompania a kompartí e notisia prometedor ku e reservashonnan di ticket pa e temporada di wenter benidero ta mustra hopi positivo.

Komo konsekuensia di e tendensia akí, American Airlines a tuma e desishon pa sigui ofresé buelonan adishonal durante e

lunanan slou di aprel i mei na 2024. Normalmente e servisio aéreo ta bai bèk na un biá pa siman durante e lunanan menshoná. Pero dor di e tremendo demanda for di Estádus Unídos, American Airlines ta ofresé 4 buelo pa siman riba djaluna, djáron, djabièrnè i djasabra, durante luna di aprel i mei otro aña.

E buelonan adishonal ya kaba ta den e sistema di reservá ticket di e kompania. E ekspanshon den servisio aéreo ta ofresé biaheronan fleksibilidat na momentu di plania nan biahe pa i for di Kòrsou.

Minister di Desaroyo Ekonómiko, Ruisandro Cijntje, a ekspresá su satis-



fakshon ku e oumento indikando: "Nos ta kontentu ku e ekspanshon den servisio aéreo for di Charlotte ku American Airlines. E anuncio akí ta resultado direkto di e esfuersonan kontinuo di Ofisina di Turismo di Kòrsou huntu ku partnernan lokal den promoshon di nos dushi Kòrsou na Estádus Unídos. Nos ta ansioso

pa risibí mas turista Merikano ku ta bin pa eksplorá nos herensia kultural, playanan bunita i nos hospitalidat sin igual."

CTB ta antisipá un kresementu fuerte kontinuo for di e merkado di Estádus Unídos na 2024 i ta premirá di por yama bon biní na 165.000 turista Merikano otro aña.

23 di Oktober 2023

**"... no ta importá kon riku nos ta, nos no tin nos mes bida den nos man."**  
(cf Lukas 12,15)

**Amor pa plaka ta un di e debilitatnan mas teribel ku hende por sufrí di dje. Sa, ku plaka i rikesa ta asina poderoso, ku e tentadó mes a rekurí na dje, pa trata di laga Hesus kai den su trampa. (cf Lukas 4,7ss)**  
**Ta berdad ku plaka ta útil; e por habri tur porta terenal pa nos, ménos porta di shelu.**

**E berdadero seguridat i felisidat sinembargo ku nos por tin den bida ta un konsenshi na pas ku Dios i na pas ku nos mes. Esaki Zakeo a siña nos, ora el a kombertí i a primintí: "... si mi a ranka plaka for di un hende, mi ta dun' é kuater be mas tantu bèk." (cf Lukas 19,8)**  
**Resistí tentashon pa plaka i rikesa i konfia seguridat, pas i trankilidat di bo bida, den man di Señor.**

**Señor duna mi sabiduria i forsa pa resistí tentashon pa plaka, p'asina mi por konfia mi bida, ku un konsenshi na pas, den bo mannan.**

1L Rom 4,20-25; Salmo Lukas 1,69-75; Ev Lukas 12,13-21

005999-522-4056 
 Un Snehil Pan 
 unsnehilpan



**KÒRSOU**

# OM ta para ketu na kontrabanda di hende

**WILLEMSTAD** -- Ministerio Públiko Kòrsou ta pidi atenshon pa siman di kontrabanda di hende. Den e kuadro aki ta duna informashon riba e tópiko

**Kontrabanda di hende**

Kontrabanda di hende ta guia òf transportá hende di un manera ilegal pa un otro pais òf di un otro manera yuda pa duna entrada na, tránsito pa òf salida di un pais via di laman òf avion. Duna alohamentu na estranheronan ilegal tambe ta kai bou di kontrabanda di hende. (reglá de artíkulo 2:154 Kódigo Penal).

Riba nos islanan, kontrabanda di hende ta un tópiko ku kada bes ta bini bèk pa motibu imigrashon ilegal, biahenan frakasá ku

a resultá den morto i trafikashon di hende. Hopi bía migrantenan ta buska alivio serka kontrabandistanan di hende ku ta organisá e biahe planeá bou di sirkunstansianan hopi peligroso. Banda di esaki, migrantenan por bira víktima di robo, estafa, ekstorshon i/ òf eksplotashon. Huntu ku hende, tambe por pasa kontrabanda di otro artíkulo droga, arma i/òf animalnan.

Mirando e karakter debilitante di e fenómeno di kontrabanda di hende, e riesgo ku hende por hoga i e sirkunstansia ku hopi bía ta keda sigui dor di trafikashon di hende, kontrabanda di hende ta un prioridat den búskeda i persekushon.

diferensianan grandi entre trafikashon di hende i kontrabanda di hende.

Trafikashon di hende ta un delitu kontra humanidat, libertat personal di e persona ta krusa integridat personal di e individuo. Kontrabanda di hende semper ta pasa frontera; personanan ku ta krusa frontera bai un otro pais. Den e kaso di trafikashon di hende no ta nesario pa krusa frontera; víktimanan por ta residente tambe. Ora di kontrabanda di hende, e relashon entre migrante i e kontrabandista na kuminsamentu ta boluntario. Na momentu ku ta papia di trafikashon di hende, ta trata di un relashon involuntario. Ora di kontrabanda di hende e

organisadó ta yuda esnan ku ke krusa frontera; iniciativa ta serka e migrante. Den kaso di di trafikashon di hende ta trata di preshon di un dunadó di trabou òf un komersiante: iniciativa ta serka e malechor. Ora ta trata di kontrabanda di e hende, e persona tin e libertat pa disidí esaki i ora di trafikashon di hende e víktima no tin e eskoho òf no por tuma su mes desishon.

**Ministerio Públiko**

E tarea mas importante di Ministerio Públiko ta persigui personanan ku kometé e chonan kastigabel den kuadro di kontrabanda di hende. Kada ken ku di un manera òf otro tabata

envolví den organisashon pa trese hende di un manera ilegal pa Kòrsou, lo keda persigui pa kontrabanda di hende. Ministerio Públiko tin fiskalnan spesialisá i un tim ku ta enfoká riba trafikashon i kontrabanda di hende. Di e manera aki, Ministerio Públiko ke reforsá e bataya kontra di e tipo di kriminalidat aki. Banda di tratamentu di kasonan penal, tambe riba nivel di manejo Ministerio Públiko ta traha pa kombati trafikashon i kontrabanda di hende. Nan ta kontribui na kampañanan di konsientisashon di e Taskforce Trafikashon di hende i tambe di Actiecentrum Ondernijning Curaçao (ACOC).

**Víktima**

Lamentablemente no ta fásil pa detektá esaki na un hende. Fuera di esei, estado ta víktima di kontrabanda di hende. Kontrabanda di hende ta un delitu kontra di outoridat públiko di un pais pa motibu ku e personanan en kuestion ta krusa legislashon di migrashon. Tin

## Konferensia internashonal di Interpol

**WILLEMSTAD** -- Minister Charles Cooper a reuni resientemente ku representantenan di Interpol. Esaki ta relashoná ku organisashon di e di 17 konferensia di Interpol titulá 'International Law Enforcement Intellectual Property Crimes'.

E konferensia ta tuma lugá den 2024 na Kòrsou.

E reunion ta resultado konkreto di Minister Cooper su biahe di trabou pa Oslo, Norwega, ku a tuma lugá resientemente.

Durante di e biahe akí, Interpol a anunsiá ku nan ta organisá nan konferensia

na Kòrsou. Kòrsou pues ta ta anfitrión di un konferensia internashonal.

E komishon organisatorio a bin Kòrsou for di Fransasia i Merka pa tene diferente reunion ku outoridatnan i partnernan involví, den e kordinashon i preparashon pa e konferensia.

Tene nos playanan limpi

**extra**  
...number 1

www.extraboneiru.com

**REUNION KOMISHON FIHO (B&O)**

Djars 24 di òktober 2023 pa 16:00 or ta tuma lugá un reunion di komishonnan fiho di Maneho i Sosten (B&O) den sala di reunion di Konseho Insular na Passangrahan.

**Agènda**

1. Apertura/partisipashon;
2. Oportunidat pa siudadano hiba palabra;
3. Dokumentunan ku a drenta;
4. Stipulashon di agènda;
5. Stipulashon di e relato kòrtiku i e lista di desishon di 19 di sèptèmber 2023;
6. Splikashon di e diseño di ordenansa insular pa kambio di ordenansa insular manejo finansiero Boneiru;
7. Splikashon di e areglo ku ta REGARDÁ suministro di informashon di Kolegio Ehekutivo na Konseho Insular;
8. Splikashon di e protokòl di kontròl pa kontròl di akountent pa loke ta trata kuentanan anual di Entidat Públiko Boneiru;
9. Splikashon di e diseño di dekreto ku ta REGARDÁ prolongashon di akuerdo di servisashon di akountent 2023 i 2024;
10. Klousura.

Ta invitá Kolegio Ehekutivo.

Ta publiká e konvokashon akí riba e parti públiko di e sistema di informashon di Konseho Insular (www.konsehoinsular.com). Te asina leu ku ta aplikabel, e dokumentonan konserní manera kustumber ta na Grefi na disposishon. Ta transmiti e reunion akí live riba TV, e página di i Youtube i e website di Konseho Insular.

**R. Groenman**  
Presidente Komishon B&O



Aruba su finansas ta den bon caminda

# Reunion cu CAft tabata sumamente positivo

**ORANJESTAD** - Dia-bierna mainta Prome Minister Evelyn Wever-Croes a reuni cu CAft, cu ta e colegio di supervision financiero, cu ta bin cada tres luna pa duna Gobierno nan punta di bista, riba e desaroyonan financiero di pais Aruba. Prome Minister a expresa di ta sumamente satisfecho cu e reunion, mirando cu representantenan di CAft tabata hopi positivo riba e crecemento economico, riba e desaroyo di turismo, riba e finansa publico, y riba e pronostico y proyeccionnan cu tin pa pais Aruba.

Durante e reunion, Premier Wever-Croes a splica



CAft, cu pa Gobierno ta importante, mirando cu e indicadornan macro-economico ta asina positivo, pa e progreso y bienestar ey drenta den tur hogar di pais Aruba. Gobierno lo kier enfoca riba e preocupacionnan cu tin actualmente, cu ta pobresa, problema social, cuido, y enseñansa.

Mirando e situacion economico positivo, lo desea di haci inversionnan de e areanan aki. Riba e punto aki, CAft tambe a bay di acuerdo.

"E tabata un bon reunion. Mi kier a gradici Minister di Finansas pa semper tin su trabou na pecho, y di ta eherce esaki

cu hopi amor y dedicacion. Tambe un danki na Departamento di Finansas, Departamento di Impuesto, Centraal Accountants Dienst, y e conseheronan di Minister di Finansas pa nan trabou incansabel. Sin luid, tur otro Ministernan di Gabinete Wever-Croes 2, paso ta danki nan empeño

y sacrificio, awe nos a logra yega na unda nos ta.

Aruba su finansas ta riba bon caminda, y esey ta sumamente positivo pa por haci inversionnan necesario. Mi ta sumamente satisfecho cu e reunion di awe mainta, cu tabata uno hopi positivo" Prome Minister a expresa.

*Prome Minister Evelyn Wever-Croes:*

## Como muestra di solaridad pa cu luna di conscientisacion di cancer di pecho

**ORANJESTAD** - Riba dia di Conscientisacion di Cancer di Pecho, Ministernan di Gabinete Wever-Croes a muestra nan solidaridad bistiendo un articulo

di paña ros. Manera ta conocí, ful e luna di october, mundo ta para keto na e conscientisacion di e forma di cancer aki. Cancer ta un malesa cruel, cu por toca na

porta di tur hende, na cualkier momento mas inespera. P'esey ta importante pa tur hende muhe, adultonan, y hobennan, haci tur test y control necesario

frecuentemente, pa asina si tin e malesa, e por wordo detecta y trata na tempo.

Prome Minister ta haci un apelacion na tur hende muhe, mama di famia, cu ta cuidando di nan casa, y unan of mayornan, pa haci nan control regularmente, y cuida di nan mes prome cu nan cuida di otro. Tur hende ta consciente cu haci un mammogram no ta placentero, pero e dolor ey, no ta nada compara cu e doloronan cu un ser femenino por carga. Tambe ta importante pa tur hende muhe sa, cu tin un grupo grandi di hende pa sostene y yuda esnan cu tin e malesa di cancer na pecho. "Di experiencia

propio mi por bisa, cu un naves bo wordo detecta cu cancer na pecho trempa, e tratamiento ta mas efectivo y menos doloroso. Den mayoria di caso, ora detecte laat, e opcionnan pa trate ta limita y casi imposibel. P'esey mi ta pidi cada un di boso cu ta hende muhe, y cu ta stima bo mes y bo famia, pa samina y controla boso mes. Pa tur esnan cu ta sufriendo di e malesa aki, sa cu bo no ta bo so, y cu tin un grupo di hende pa yuda bo. Ohala cu hunto nos por yuda tur esnan cu ta sufriendo di e malesa cruel aki, y cu pronto por bin un cura pa cancer", Prome Minister a expresa.



**DEPORTE**

# Liseo Boneriano ku apertura di dos kancha

**KRALENDIJK**--Liseo Boneriano djabièrnè último den oranan di mainta, a hasi apertura di 2 kancha di deporte unda alumnonan por praktiká e deporte di futbòl i tambe basketbòl.

Tabata Barbara Sol ku ta e direktor di unidat, ku a hiba palabra i bisa ku e meta di e kanchanan ta pa kontribuí na un kurpa saludabel di e alumnonan. Despues ku a kòrta sinta

pa hasi apertura ofisial di e kanchanan, por a disfrutá di un tremendo partido di futbòl i tambe basketbòl ku a bai entre e alumnonan i dosentenan.

Ta bon pa bisa ku huntu ku Indebon, ta planiando pa organisá torneonan ku lo bai tuma lugá durante

pousa na e skol.

Esaki ta otro adelanto deporte di nos isla, tur esakinan pa sigui duna oportunidat na nos hóbennan pa sigui praktiká deporte.

Pabien Boneiru ku dos kanchanan pa praktiká deporte, den e kaso aki e deportenan di futbòl i basket-

bòl.

Asina por menshoná ku tin mas na kaminda, atrobe pa Adelanto di deporte riba nos isla.

Pabien Boneiru ku e dos kanchanan i keda pendiente pa mas kancha pa deporte ku ta na kaminda.



**SHOP AT**  
**KOORYMAN**  
 & GET THE CHANCE TO  
**WIN**  
 THE FULL AMOUNT\* OF YOUR PURCHASE BACK!

Disclaimer: \*Win up to \$250,-. Three winners are chosen every 30<sup>th</sup> of the month. Learn more at [kooymanbv.com/bonaire](http://kooymanbv.com/bonaire).



## Real Rincon a golia Juventus 12-0 den kontinuashon kampionato futbòl

**KRALENDIJK**--Real Rincon ku ta e klup di futbòl di Rincon, djabièrnè último a golia SV Juventus di Antriòl/Playa Pabou ku skor di 12-02 den partido nr.7 di kampionato futbòl di nos isla.

Esaki ta otro goliada pa e ekipo di SV Juventus ku no ta pasando den su mihó tempu.

Outornan di e golnan di e partido ta Ayrton Cicilia ku a hinka 2 gol na di 2 i 31 minüt di e partido.

Felis Verhaar a hinka 3 gol na di 5, 9 i 42 minüt di e partido. Elmar Wanga outo-

gol na 11 minüt di e partido.

Fabio Hierck na di 12 minüt.

Nathan van Arneman di 18 minüt.

Roengel Pineda-Mateo na di 19 minüt di e partido.

Rhordan Piar na di 58 i 63 minüt di e partido.

Rowel Frans na di 68 minüt di e partido.

Esakinan e golnan pues di SV Real Rincon ku a golia SV Juventus 12-0 den kontinuashon di kampionato futbòl di nos isla djabièrnè último, esaki den partido nr.7 di e kampionato.

**DEPORTE**

# Selekshon futbòl preparando pa topa Anguilla na kas

**KRALENDIJK** - Despues di a pèrdè 2-0 ku nos selekshon maskulino di futbòl aki na Boneiru, Anguilla ta den preparashon pa topa ku nos selekshon nashonal dia 18 di novèmber binidero aya na Anguilla, ku Anguilla hungando na kas pues.

E bia aki nos selekshon ta di bishita i Anguilla ta hunga na kas pues.

Nos selekshon nashonal ta den ful treinen, den ful preparashon pa e kompromiso kontra Anguilla otro luna.

Aki na kas manera ta konosí, nos selekshon nashonal di futbòl a gana di Anguilla 2-0 i ta preparando na duna Anguilla un di dos derota, e bia aki ku Anguilla hungando na kas.

Nos selekshon ta tu-

mando esaki hopi na serio i ta den ful treinen di preparashon pa bolbe saka un viktoria fo'i Anguilla, e bia aki ku Anguilla hungando na kas.

Nos ta deseá nos selekshon nashonal di futbòl maskulino tur pero tur klase di éksito den e kompromiso aki na Anguilla otro luna.



Popularidat ta relativo  
P'esei un propio estilo  
No solamente pa ta eksitoso  
Sino sigur mas balioso

**Brò KèS 93.5 FM**  
pokopoko pero sigur mas i mas hende ta ...  
*Skuch'è*

Telefon/ WhatsApp +599 701 0935  
[www.radio935bonaire.com](http://www.radio935bonaire.com)

tandprothetische praktijk  
**BONAIRE**  
tandprothetische praktijk

**AKI TA TRAHA I DRECHA PLANCHA PA DJIENTE. BO TA WARDA MIENTRAS NAN TA DRECHE, SERVISIO RAPIDO.**

djaluna pa djaweps: 9'or mainta pa 12'or merdia, 2'or te 4'or di atardi.  
djabieme: 9'or mainta pa 12'or merdia, atardi ta SERA.

**E.M. Rijswijk**  
Por yama pa un sita na tel. 717-2248 òf selular 796-3714  
Kaya Dr. J.G. Hernandez s/n (banda di Botica Korona)

43" Hisense 4K Smart TV **\$395**

Nintendo Switch Lite **\$325**

LG Compact Soundbar w/ Subwoofer **\$475**

**END of YEAR**

**30 ANIVERSARIO**

JBL Surround Wired Gaming Headset **\$75.95**

TV Wall Panel **\$109**

Gaming Chair **\$225**